



## Boqonnaa Sammuu(Peace of Mind)

### Description

Sammuun qamoole ilmaa namaa keessaa akka motoraat taâ€™uun ilma nama sochoossa. Eessaa kaâ€™ee garam akka deemu itti akeeka. Sammuun buqqee cimaan marfamuun miidhaa garagaraa irraa tifkama. Osoo miidhan qaama kan akka rukutta gonkumaa isa dhaqabuyyu baate miidhaan garagaraa karaa adda addaatin ni dhaqqaba. Kana keessa dhiphinna,yaaddo,aarii,lola fi kkf dha. Miidhaa kanniinif akka hin saaxilamne sammuun kunuunsa addaa isa barbaachisa. Miidhaawwan kanaan takka miidhamnaan dawaa argachuun ni ulfaata.

Akkuma qaamoni biroo hojii humnaa hojjatanii dadhaban sammuunis ni dadhaba,boqonna isa barbaachisa. Sammuun karaa adda addaatin boqonnaa ni dhaba,ni hadooda,gammachu dhaba. Namoonni baayâ€™een yeroo ammaa dhukkuba qaamatiin kan miidhaman osoo hin taane dhukkuba sammuutin reebamaa jiru. Dhiphinna sammuu kanarrea of baraaruuf dhagaan isaan hin fonqolchinee hin jiru. Furmaata yoo dhaban murtoon isaani inni dhumaa fi inni dhumaa of ajjeessudha jedhanii yaadu. Of ajjeessun dhukkuba sammuu irraa waan of baraaran itti fakkaata. Haa taâ€™uu malee wantii isaan eeggatu kan duraani caalaa hamaadha. Marree nullee miidhaa akkanaatin osoo hin saaxilaminiin duratti boqonnaa sammuu akkamitti argachuu dandeenya?

**1.Cubbuu irraa fagaachu-** cubbuu jechuun uumamaanu wanta qalbii rakkisu fi dhphisuudha. Namni cubbuu yommuu hojjatu ni dhiphata,ni yaaddawa,gammachu dhaba. Cubbuun summii sammuuti. Wantahanga cubbuu summeessu fi hadoochu hin jiru. Namoonni yommuu cubbuu hojjatan sammuun isaani waan yaaddoftuu fi dhiphattuuf kana jalaa bahuuf of ajjeessuf haada barbaadatu. Aktaroota filmii warra Dhihaa yoo ilaallu boodden isaani dhiphinna jalaa bahuuf of ajjeessudha. Balaan kana hunda kan fide cubbuu adda addaa keessatti borcamuu isaaniti.

Namni akkuma cubbuu irraa fagaacha fi hojii gaggaari hojjataa adeemun akkasuma boqonnaa sammuu argachaa adeema. Fedhii yeroo gabaabduuf turtu gadi qabuu fi tooâ€™achuun boqonnaa sammuu yeroo dheeraf turuu namaa kenna. Namni fedhii foonii yeroo gabaabduuf turtu argachuuf karaa hin taanen yommuu adeemu miidhan sammuu fi qaama irra gahuu hangana hin jedhamu. Namni dhokateeeyyu cubbuu osoo hojjatee,akka waan cubbuun sun irraa dubbifamuutitti namoonni isa jibbaa fi ofille of jibbaa

adeema. Yeroo hundaa gadii aantummaa fi ofitti amanamummaa dhabuun isatti dhagahama. Miirota negaativii garagaraatin keessi isaa reebama. Kanaafu namni gammachuu fi boqonnaa sammuu barbaadu cubbuu irraa haa dheessu. Kana hin barbaadu cubbuutu naa caalaa kan jedhu yoo jiraate immoo mirga isaati.

**2.Sodaa fi Beekumsa Rabbii qabaachu-** Namniakkuma Rabbiin beekaa fi sodaataa adeemun cubbuu irraa fagaacha adeema. Sodaan Rabbii qalbii keessa yoo jiraate kophaa fi ifattis Rabbiin na arga jedhe waan sodaatuf cubbuu akka hin hojjanne waardiyaa itti taâ€™a. Rabbiin na arga jedhe cubbuu irraa dheesse. Rabbiin sodaachun cubbuu irraa fagachu qofa osoo hin taâ€™iin wanta Inni itti nama ajajee hojjachuu fi kan irraa nama dhowwee irraa fagaachudha. Sodaan Rabbii qabaachuf immoo sifaata(Attributes) isaa beekun barbaachisaadha. Kunii immoo kan argamuu filoosofi fi madda wal maanxerra osoo hin taâ€™iin Kitaaba Rabbiin buuserraayi kana jechuun Qurâ€™aana fi Sunnaa Nabiyyi Muhammada(SAW) irraayi. Maddoota kanniin lamaanin ala taanan sodaa fi beekumsi Rabbii argamuu hin dandaâ€™a.

Umamaanu ilmi namaa yommuu Rabbiin sodaatu fi tolee jedhoo qalbiin isaaakkuma gammaddu yommuu Rabbiin diddu fi gantu immoo ni cinqamti, ni gadditi. Jireenya kana keessatti daandii lamatu jira. Isaanis daandii Rabbii qajeelaa kan taâ€™ee gammachuu fi milkaâ€™innatti nama baasu fi daandii sheeyxaanaa jallataa kan taâ€™ee gaddaa,cinqii fi rakkinatti nama geessudha. Namoonni daandii lamaan kanniin keessaa tokko filachuun irra adeemu. Daandii Rabbii filatee fi hojji gaggaari kan hojjatee jireenya gammachuu jiraata.

مَنْ عَمِلَ صَالِحًا مِّنْ ذَكَرٍ أَوْ أُنْثَى وَهُوَ مُؤْمِنٌ فَلَنْ حِينَهُ

حَيَاةً طَيِّبَةً وَلَنْ جُزِّيَنَّهُمْ أَجْرَهُمْ بِأَحْسَنِ مَا كَانُواْ

يَعْمَلُونَ



â€œDhiiras taâ€™ii dubartii nama muâ€™imana(Rabbitti kan amanee) taâ€™ee dalagaa gaarii hojjate, dhugumatti jirenyaa gaarii isa jiraachifna; mindaa isaaniis irra gaarii waan isaan dalagaa

**turaniit in isaan mindeessina.**â€ An-Nahl 16:97

Namni Dandii Rabbii dide immoo daandii sheyxaana filate jedhama. Isaaf jirenyaa rakkoo fi dhiphootu jira. Kana na amanuu yoo dadhabdan mee warra dhihaa kan akka Ameeraa fi Awrooppaa ilaala. Osso qabeenyi isaan bira ciise jiruu lubbuu ofii dhiphinna irraa kan kaâ€™e of galaafatu. Dhiphinni immoo kan dhufuu daandii Rabbii irraa garagaluutin.

وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكاً وَنَحْشُرُهُ يَوْمَ الْقِيَامَةِ أَعْمَىٰ

١٢٤

â€œNamni yaadannoo(Qurâ€™aana) kiyyaa irraa garagalee, dhugumatti isaaf jirenyaa dhiphoo taâ€™eetu jira. Guyyaa Qiyaamas jaamaa goonee isa kaafnaâ€ Suuraa Xaahaa 20:124

Kanaafu Rabbiin beeku fi sodaachun handuura boqonnaa sammuu namaati.

**3.Zikrii(Rabbiin yaadachuu fi faarsu)**â€“ Namni Rabbiin erga beeke booda Isa yaadachu qaba. Kan yeroo beelaye nyaachisuu,kan yeroo daare uwvisuu,kan yeroo cinqamee cinqii keessaa isa baasu Rabbiin qofa akka taâ€™ee osso beeku akkamatti zikrii(yaadanno) isaatirraa fagaataa? Qalbiin yommuu zikrii irraa fagaattu ni goggogdi,ni cinqamti. Akkuma garaaf nyaata fi dhugaati barbaachisuu qalbiifis zikrii Rabbi barbaachisa. Nyaanni qalbii(onnee) zikriidha. Nyaata kana yoo dhabde ni cinqamtii,ni duuti akkuma biqilaan lafaa yaaâ€™u rooba yoo dhabe badu.

الَّذِينَ إِيمَنُوا وَتَطَمِّنُ قُلُوبُهُمْ بِذِكْرِ اللَّهِ أَلَا إِذْ كَرِرَ اللَّهُ تَطَمِّنُ

الْقُلُوبُ ٢٨

**â€œIsaan warra amananii onneen isaani zikrii Rabbiitin tasgabbooftudha. Dhagaâ€™aa! Zikrii  
Rabbitin onneen ni tasgabbofti.â€ Ar-Raâ€™ad 13:28**

Zikrii gochuuf carraa baayâ€™etu jiru. Garuu karaan zikrii itti godhan Sunnaa Nabiyyanaa Muhammad(SAW) irraa kan goruu fi maquu yoo taâ€™ee faydaa zikrii argachuu hin dandeenyu. Karaa Nabiyyin ittiin godhaniin yoo goone qofa boqonnaa sammuu fi tasgabbii qalbii kan argannu. Qurâ€™aana xiyyefanon dubbisuu fi hubachuun zikriidha. Salaata sirnaan salaatun zikriidha. Yommuu lukaa fi geejjibaan ol gadii deeman arrabaan Rabbiin faarsun fi qalbiin yaadachuun zikriidha. Akkuma roobni yoo ardii gogdu irratti roobe lafti magariisa taatu zikriinis onnee nama gogde jiisa. Bakka kamuu yoo deemnu arraba keenya Rabbiin faarsuf haa carraaqnu. Subahanallah(Rabbitin qulqullaaâ€™e), Alhamdulillah(faarun kan Rabbiti), Allahuakbar(Rabbitin guddaadha) haa jennu. Arraba keenya zikriwwan kanaa fi kan kana fakkaataniin mee haa leenjisnu. Insha Allah boqonnaa sammuu,tasgabbii qalbii ni arganna.

**4.Aarii ofii tooâ€™achuu, duâ€™aayi fi araarama walii gochuâ€™“** Akkuma bifti namoota gargaraa amalli isaanis akkasuma garagara. Namoonni dafanii aaranii fi kan hin aarretu jiru. Namoonni adeemsaa jireenyaa keessatti karaa adda addaatin walitti buâ€™uu dandaâ€™u. Yeroo walitti buâ€™iinsi uumamu aarii ofii tooâ€™achuu fi walii araaramuun boqonna sammuu nama kenna. Wanta takka darbeef keessa ofii aariin reebun miidha sammuu fi qaama ofitirraan gahuudha. Wanti darbee gonkumaa akka hin deebine beekanii xiyyeffannoofii gara biraatti garagachuun amala nama qarooti. Jechoonni namoota garmalee nu aarsu dandaâ€™u. Kan nutti dubbatan yookaa jechi tasa afaani baate yookin immoo nu xiqqeessuf taâ€™uu dandaâ€™a. Diina keenya kan taâ€™ee sheyxaanni dubbii walitti darbannee akka hariiron keenya addaan citu barbaada. Kanaafu sheyxaanu aarsuu fi ofirraa ariâ€™uuf nama jecha san nutti dubate saniif irra darbuu fi araaramufi qabna. Kanarra immoo inni caaltun yommuu nama sanii duâ€™aayi goonu aariin keenya akka qabbanaâ€™u fi hariroon keenya akka cimu taâ€™a. Nuti â€œYaa Rabbii ani jecha inni/ishiin jedheef/jetteef dhiise ykn araarameefi atillee dhiisif ykn araaramiifâ€• yommuu jennu, maaltu nutti dhagahama? Diina keenya sheyxaanatti kan hariroo keenya addaan kutuuf deemutti maaltu dhagahama laata? Dhugumattiakkana kan goonu yoo taane, wanta nu aarsu ni irraanfanna, boqonna sammuu ni arganna. Wanta nu cinquu hundaaf wuduâ€™a godhanne salaata sallaatun duâ€™aayi yoo godhanne dukkana san ofirraa saaqun boqonna sammuu ni arganna.

**5.Nyaata fi dhugaata haala madaalawaan nyaachu fi dhuguu â€“**Wantoota boqonnaa sammuu nama dhabsiisan keessaa tokko nyaata fi dhugaati ofitti baayâ€™isuudha. Namni yommuu nyaata fi dhugaati ofitti baayâ€™isuu qaaman furdataa sammuu immoo laamshayaa adeema. Garmalee ofitti oofun sammuu akka cinqamtu godha. Nyaataakkanaa lamuu hin argadhu jedhanii nyaachu irra hanga humna ofii nyaachun boqonnaa sammuu argachuudha. Namni akka horii yoo ofitti oofu Rabbii ofii irraanfachaa fi sammuu xinxallitu dhabaa adeema. Kanaafu nyaata fi dhugaati osoo garmalee hin xiqqeessin, osoo ofittis hin baayâ€™isin haala madalawaan nyaachu fi dhuguun boqonnaa sammuuti.

**6.Dubbii xiqqeessu â€“**Wantoota boqonnaa sammuu nama dhabsiisan keessaa kan biraa immoo dubbii baayâ€™isuudha. Namni wanta faaydi hin qabneef odeessu qalbiin isaa gogaa fi tasgabbii dhabaa adeemti. Wanta dubbateef gaabbun keessa ofii reeba. Namni dubbii isaa yoo hin dhagayinii fi irraa hin fudhatiin aariin sammuu ofii cinqa. â€œArraba gabaabchuun sammuu bilchaachudhaâ€akkuma jedhamu namni yommuu sammuu bilchaata adeemu wanta dubbatuuf gatii kennaa fi madaala adeema. Tasa afaani baate rakkoo guddaa akka isatti hin finne hanga dandaâ€™uun of eeggannoo godha. Wanta

hanga arrabaa rakkoo fi dararaa namatti fidu hin jiru. Namni osoo hin yaaddin wanta tokko dubbachuuun rakkoo hamaa itti fida. â€œAlanshan malee liqimsuun, yaadan malee dubbachuuun nama balleessaa.â€ jedhaa mitiree Oromoone. Kanaafu dubbii hin taane dubbachuu irraa of quachuu fi falmii dubbii xiqqessun burqaa boqonnaa sammuuti.

**7.Cimanii hojjachuu-** Hojii malee taâ€™uun hundee badiiti fi dhiphinnaati. Sammuun hojii gaarii hojjatee of bashanansiisu barbaada. Garuu yoo hojii dhabee akka ibiddaa of gubee fixa, ni cinqama. Hojiin sammuuf boqonnaadha. Namni dafqa ofiitin xaare of bulchuu boqonnaa sammu yoo argatu kan osoo homaa hin xaarin hate jiraatu immoo jirenyaa cinqii fi daraara jiraata. Yoo dalagaa gaggaarin of koâ€™oomsine(of hiine) cubbuu hojjachuuf yeroo hin qabnu, halkan hirraba gaarii rafna. Nama boqonna sammu fi tasgabbii argatu taana. Yoo hojii humnaa dhabne kitaaba haa dubbisnu.

**8.Hirriba madalamaa rafuuâ€“** Rabbiin rafne boqonnaa akka itti argannuuf halkan uume. Garmalee baayâ€™isanii fi xiqqessanii rafuun sammu irratti miidhaa guddaa geessa. Sagantaan hirriba keenyaa tartiiba akka dhabu kan godhu keessaa tokko torbaan tokkoof ykn guyyoota muraasaf hirriba garmalee rafne torbaan itti aanu hirraba akka dhabnu nu godha. Kunii immoo sammu keenya jeeqa. Kanaafu akka akkana hin taanef sagantaan hirriba saâ€™aati murtaaâ€™eef rafuu qabna. Guyyaa qixxe yeroo sammuun dadhabuu muguun boqonnaa fudhachuun ni dandaâ€™ama. Kana gochuf immoo ganama yeroon kaâ€™uu qabna. Ganama yeroon yoo hin kaâ€™in sammuun ni hadooda, xinxalluu hin dandaâ€™u.

## Gudunfaa

Hundii keenya karaan nuti boqonna sammuuttiin argannu garagara. Kanniin armaan olii akka fakkeenyatti fi buâ€™aa irraa argamee ilaaluun kan filatamaniidha. Namni boqonnaa sammuun barbaadu Rabbiin beeke haa sodaatu, cubbuu irraa haa fagaatu, wuduâ€™a haa godhatu, saalata haa salaatu, zikrii haa baayâ€™isuu, duâ€™aayi haa baayâ€™isu, aararama fi gargarsa Rabbirraa haa kadhatu, beekumsa Islaamaa barachuuf kutate haa kaâ€™u, amala namaa dhiisu fi irra darbuu horachuuf haa carraaqu, aarii ofii haa tooâ€™atu, cimee haa hojjatu, hirriba madalaama haa rafu, fedhii foonii haa tooâ€™atu, of tuulu dhiise gadi of haa qabu, sadaqaa haa kennatu, of jaalachuu fi haafaâ€™uu irraa of haa quasatu.

Hanga Barruu biraatin walitti deebinutti nageenyi fi rahmanni Rabbii isinirra haa jiraatu. Sagaleen dhageefachuuf:

### Date Created

September 26, 2015

### Author

admin